



大乘百福相經

毀

大唐天竺三藏地婆訶羅譯

如是我聞一時佛在舍衛國普妙宮中坐寶莊嚴師子之座與大比丘僧千二百五十人俱菩薩摩訶薩無央數眾恭敬圍繞瞻仰尊顏身心不動

爾時文殊師利菩薩於大眾中承佛威神從座而起偏袒右肩右膝著地合掌向佛而作是言世尊一切眾生根性差別欲樂不同如來一音隨類演說種種無量咸蒙利益如是所說大法言音皆以如來福德成就何等名為如來福德所言福德其量云何惟願為我解說其義饒益無數百千眾生

爾時世尊告文殊師利菩薩言善男子汝已超過聲聞及辟支佛能以大慧大悲請問如來如是之義諦聽諦聽善思念之吾當為汝分別解說文殊師利假使閻浮提一切眾生行十善道所有福德總為一聚如是積數滿百千倍成一轉輪聖王福德之量文

大乘百福相經

第二張

四十字

殊師利轉輪聖王成就七寶具足千子何謂七寶一者金輪寶二者象寶三者馬寶四者珠寶五者女寶六者主藏寶七者主兵寶千子皆悉端正勇健能伏怨敵如是名為轉輪聖王所有福德文殊師利假使四天下一切眾生皆悉成就轉輪聖王所有福德如是積數滿百千倍成一帝釋福德之量文殊師利假使四天下一切眾生皆悉成就帝釋所有福德如是積數滿百千倍成一第六他化自在天王福德之量文殊師利假使四天下一切眾生皆悉成就魔王福德如是積數滿百千倍成一小千世界主初禪梵王福德之量文殊師利假使小千世界一切眾生皆悉成就初禪梵王所有福德如是積數滿百千倍成一中有福德如是積數滿百千倍成一中千世界主二禪梵王福德之量文殊師利假使中千世界一切眾生皆悉成就二禪梵王所有福德如是積數滿百千倍成一三千大千世界主第四禪梵王摩醯首羅福德之量文殊師利摩醯首羅有大福德有大智慧

大樂百福相經 第三張 毀字号

有大威神非少善根而得成就何以故如劫燒已將更成立於第四禪降澍大雨經五中劫其水積滿三千大千上至梵世一一雨滂摩醯首羅能知之文殊師利假使三千大千世界一切衆生皆悉成就摩醯首羅所有福德如是積數滿百千倍成一獨出辟支福德之量文殊師利且置如是三千世界假使十方諸佛國土一切衆生皆悉成就辟支所有福德如是積數乃至無量無邊億百千倍成一取後身菩薩福德之量又殊師利如是取後身菩薩及十方盡虛空界一切衆生乃至胎生濕生化生有色无色有想无想非有想非无想如是等衆生皆悉成就取後身菩薩所有福德如是積數乃至無量無邊億百千倍成如來身一毛孔中福德之量文殊師利當知如來身諸毛孔其數正有九千九億一一皆具無量福德如上所說文殊師利諸佛如來二毛孔所有福德乃至積數无量無邊億百千倍以是福德成

大樂百福相經 第四張 毀字号

如來身一隨好福文殊師利如是佛身所有隨好略說其數有八十種一者肉髻高顯無能見頂二者鼻高脩直孔不外現三者眉如初月又紺青色四者耳輪埒成五者身堅如那羅延六者骨節相連如鈎鑠七者行時去地四寸印文成就八者身迴如象王九者甲如赤銅薄而光澤十者膝骨圓好十一者身常鮮潔十二者膚體柔軟十三者身體端直十四者手指纖長十五者指文嚴麗十六者筋脉潛隱十七者身色潤好十八者蹠不露現十九者身不逶迤二十者身相圓滿二十一者識清淨二十二者威儀備足二十三著住處安隱无能動搖二十四者威振一切二十五者衆生樂見二十六者面不狹長二十七者容色不撓二十八者面相殊廣二十九者脣色如頻婆果三十者音聲深遠三十一者臍深圓好三十二者臍分右旋三十三者手足圓滿三十四者手足從心所作三十五者手足文明徹三十六者手足文不斷三十

大樂百福相經 第五張 毀字号

七者手足光有五彩三十八者衆生見皆喜悅三十九者面如滿月四十者先意與語四十一者毛孔出無上香四十二者足下平滿四十三者威容如師子王四十四者進止如象王四十五者行步如鵝王四十六者首如摩陀那四十七者身極端正四十八者一切聲相具足四十九者牙利鮮白五十者舌色如赤銅五十一者舌薄而長五十二者諸根清淨五十三者身色光潔五十四者手足潤澤五十五者手足有德相五十六者面門相具五十七者手足掌如紅蓮五十八者腹不現五十九者臍不出六十者鬚細稱形六十一者身毛上靡六十二者身持重六十三者臍前有室利婆瓔像六十四者身相洪大六十五者手足柔軟六十六者圓光一尋六十七者常光照身六十八者等視衆生六十九者不輕衆生七十者應衆生音聲不增不減七十一者說法不著七十二者一音普遍同衆生語七十三者說法有因緣七十四者

一切衆生无能盡觀七十五者行順
於右七十六者无瞋狀七十七者髮
長好七十八者髮不乱七十九者髮
右旋八十者髮青紺

文殊師利如上所說名為如來隨好
福德積數滿足无量無邊億百千倍
成如來身隨相一文福德之量如是
隨相復有八十一者梵王像二者帝
釋像三者提頭賴吒像四者毗樓勒
叉像五者毗樓博叉像六者毗沙門
像七者水天像八者日天像九者月
天像十者火天像十一者風天像十
二者龍王像十三者仙人像十四者
童男像十五者童女像十六者賢聖
座像十七者寶幢像十八者牛王像十
九者功德天女像二十者山王像二
十一者摩竭大魚像二十二者金翅
鳥王像二十三鹿王像二十四者
馬王像二十五者孔雀王像二十六
者共命鳥像二十七者迦陵頻伽像
二十八者翡翠像二十九者鸚鵡像
三十者跋俱羅鳥像三十一者鵝王
像三十二者鳩鵲像三十三者象王

像三十四者宮殿像三十五者摩尼
珠像三十六者瓔珞像三十七者大
海像三十八者蓮華像三十九者難
陀跋多像四十者浴池像四十一者
靈芽像四十二者薩底迦像四十三
者華鬘像四十四者寶冠像四十五
者尸利婆瓔像四十六者傘蓋像四
十七者江河像四十八者雲天像四
十九者寶劍像五十者長鈎像五十
一者頻婆果樹像五十二者指環像
五十三者耳璫像五十四者金剛杵
像五十五者戈戟像五十六者矛稍
像五十七者長刀像五十八者闍輪
像五十九者弓矢像六十者鉞斧像
六十一者羅索像六十二者耒耜像
六十三者藥草像六十四者乳牛像
六十五者野牛像六十六者羖羊像
六十七者白拂像六十八者天鼓像
六十九者金椎像七十者商佉像七
十一者寶鏡像七十二者大龜像七
十三者轆刀像七十四者華瓶像七
十五者粉米像七十六者華樹像七
十七者果樹像七十八者鴈王像七

十九者輪中師子像八十者鹿王像
文殊師利如上所說名為如來隨相
福德積數滿足无量无邊億百千倍
合成如來身之一相如來身相有三
十二一者足下安平二者手足千輻
輪輞三者手足指纖長四者手足柔
軟如兜羅綿五者足跟滿好六者手
足指網縵七者足趺高平與跟相稱
八者踰臚長如伊尼鹿王九者平身
端立垂手過膝十者陰藏不現十一
者身縱廣等如屈拘陀樹十二者一
毛孔有一毛生十三者身毛上靡青
色柔軟而右旋十四者身色微妙勝
閻浮金十五者身光一丈十六者皮
薄細滑不受塵垢十七者兩肩圓好
十八者身廣端正十九者臆如師子
王二十者兩腋下垂二十一者牙白
而大二十二者四十齒二十三齒
白齊密而根深二十四者七處滿足
二十五者方頰如師子王二十六者
味中得上味咽中二處津液流出二
十七者舌軟薄能覆面至髮際二十
八者梵音深遠如迦陵伽二十九者

大乘百福相經 第九張 毀字号

眼如優鉢羅華三十者眼睫如牛王
三十一者眉間白毫色如珂雪三十
二者頂肉骨成

文殊師利如是所說名為如來三十二
相所有福德積數滿足无量无边阿
僧祇不可度量不可思議不可說倍
合成如來大法言音文殊師利如是
諸佛大法言音能被无量无边阿僧
祇世界一切衆生意樂老幼隨其類
解說法教化文殊師利諸佛如來所
有言音具足如是无量功德普遍世
界利益衆生亦復如是文殊師利如
上所說福德之量不可思議不與聲
聞辟支佛共何以故如是福德從施
戒修大悲大慧方便力等諸功德生
是故不與聲聞辟支佛共文殊師利
有二種法生如來身何等為二一者
勝願力二者方便力以此二法生如
來身乃至音聲相好說法所行皆從
二因而得成就文殊師利如來為欲憐
愍利益安樂諸衆生故出現於世而
諸衆生若干種性欲樂不同隨其差
別現種種相說法教化示其所行得

大乘百福相經 第十張 毀字号

入佛法

尔時文殊師利菩薩聞佛所說諸功
德已白佛言世尊我於今者得大善
利能知如來為无等等為无上上為
諸衆生作大依止清淨无染猶如虛
空我今得值甚為希有佛說是經已
文殊師利菩薩等并諸比丘合掌信
受歡喜奉行

大乘百福相經

大乘百福相經

校勘記

- 一 底本，金藏廣勝寺本。
- 一 二一三頁中一行及卷末經名，徑、清作「佛說大乘百福相經」。
- 一 二一三頁中二行譯者，「大唐」，資、磧、普、南、徑、清作「唐中」。
- 一 二一三頁中二行「三藏」，資、磧作「三藏法師」。
- 一 二一三頁中二行末字「譯」，資、磧、普、南、徑、清作「奉勅譯」。
- 一 二一三頁下二二行「摩醯」，資、磧、普、南、徑、清作「魔醯」，下同。
- 一 二一四頁上二〇行第九字「千」，資、磧、普、南、徑、清作「十」。
- 一 二一四頁中四行第五字「現」，普、南、徑、清作「見」。
- 一 二一四頁中五行第六字「垂」，資、磧作「睡」。
- 一 二一四頁中一〇行第一〇字「直」，磧作「正」。

一 二一四頁中一三行「逶迤」，資、磧作「萎偃」。

一 二一五頁上一四行末字「聖」，資、磧、普、南、徑、清無。

一 二一五頁上一五行第一二字「牛」，磧作「十」。

一 二一五頁中一四行第七字「夫」，資、磧、普、南、徑、清、麗作「矢」。

一 二一五頁中一九行第一一字「商」，磧作「」。

一 二一五頁中二一行第四字「轆」，普、南、徑、清作「種」。

一 二一五頁下六行第二字「輞」，資、磧、普、南、徑、清、麗作「網」。

一 二一五頁下二〇行第六字「頰」，磧作「頰」。

一 二一六頁上二行第九字「色」，磧作「花」。

一 二一六頁上一六行「聲聞辟支佛」，磧作「辟支佛聲聞」。